



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

Vita Pavli Papae II.

urn:nbn:de:hbz:466:1-15644

clesiæ sine capite, & omnis ex capite defluit in membra potestas. Hæc nostra sententia est, filii, hæc credimus & profiteamur: hæc iam fenes, & in apostolatus apice constituti, pro veritate asserimus. Si quæ vel vobis, vel aliis conscripsimus aliquando, quæ huic doctrinæ repugnent, illa tamquam erronea, & iuuenilis animi parum pensata iudicio, reuocamus atque omnino respuimus.

Datum Romæ apud sanctum Petrum sexto Kalendas Maias, anno 1463.

CONVENTVM ILLVM MANTVANVM, QVO auctore Pio pontifice in præsentia plurimorum regum, principum vel legatorum, actum est de bello contra Turcas suscipiendo, recentiores Concilium esse volunt: sed immerito; tum quod vix vnus episcopus interfuisse legatur; tum etiam quod Platina & Chalcocondylas vnus temporis scriptores, non aliter quam conuentum appellent. Non dubito quin Genebrardus in posteriore editione suæ chronologiæ hac de causa sustulerit Concilium Mantuanum, quod in priore editione sub Pio II. collocatum inuenitur.

V I T A
P A V L I P A P Æ I I.

ANNO
CHRISTI
1464.

Quando
pontifex
factus.

Platina cur
a Paulo in-
carceratus.

PAVLVVS nobili genere ortus, Petrus cognomento Barbus antea vocatus, ab Eugenio auunculo per varios honorum gradus ad cardinalatum euectus, Pio mortuo, pridie Kalendas Septembris pontifex creatur, Friderico III. imperante. Abbreuiatores, vt vocant, a Pio in curiam adscitos officio priuauit, inter quos Platina, quod insolentius epistola quadam factum redarguisset, in custodiam detrusus est. Paulus canonicos in basilica Lateranensi collocatos, & a Callisto eiectos, restituit. Legatos ad principes misit, eosque, licet frustra, cohortatus est ad bellum inferendum Turcis, qui vniuersa iam Epiro in potestatem redacta, in Illyricum irruptionem faciebant. Regis Fernandi copiis adiutus, Deiphobum & Franciscum Anguillarix oppressit, eosque tamquam ecclesiæ hostes nouem castellis spoliauit. Hinc ad contentionem

venit cum Fernando rege, quod is ob officium præstitum pontifici plures sibi annuos census remitti postulabat. Episcopum Conchensem Mediolanum misit, qui urbem illam erga Galeatum Francisci Sfortiæ nuper mortui filium in fide contineret. Magnum Rhodiorum militum magistrum Romam vocavit, ut eius rem pene labantem adiuuaret. Quo Romæ mortuo, Carolum Vrsinum in eius locum subrogavit. Post diuturna bellorum dissidia, multos Italiæ principatus inter se conciliauit. Hinc ad hilaritatem declinans, veterum imitatione populo ludos & spectacula edidit, epulumque dedit. Fredericum Cæsarem, Romam ex voto venientem, apparatissime suscepit. Idem Borso præstitit, quem Ferrariæ ducem creauerat. Hungaros & Germanos in Georgium Bohemiæ regem perfidum hominem commouit, ex quo regia omnino domus deleta est. In Tolphæ dominos bellum suscepit: quo infeliciter gesto, oppidum decem & septem millibus aureorum mercatus est. Obiit apoplexiæ morbo anno Domini 1471. octauo Kalendas Augusti, cum sedisset annos sex, menses decem & dies viginti sex. Hic cardinalibus purpuratas vestes, & quidem ornatiores, dedit. Ædes ad sanctum Marcum & Vaticanas magnificentissimas ædificauit cardinalibus & episcopis tenuioris fortunæ. Virginibus, viduis, valetudinariis opem liberaliter præstitit. Annonæ curam sollicitiorem gessit, preciosissimis gemmis mirum in modum oblectatus est. Paululum difficilis in agendo habitus, grauiter in flagitiosos animaduertit, suos audaces nimium & insolentes non tulit. Floruit ea tempestate Dionysius Carthusianus, tot excellentium librorum auctor, de quo illud aliquando testimonium protulit Eugenius: Latetur mater ecclesia, quæ talem habet filium. De Platina, qui vitam Pauli secundi animo hostili & offenso magis quam historice describit, recte illud a quodam Papiensi scriptum existimamus: Platinae quidem quis non ignoscat, si sit iratus?